

PRESIDENTA:
DONA OLGA M^a GARCÍA BALLESTEROS

VOGAIS:
DONA NOEMÍ OUTEDA PROL
DONA RAQUEL GIRÁLDEZ ARMAS
DONA ANA MARIA MEJIAS SACALUGA
DONA IRIA LAMAS SALGUEIRO
DONA ANA LAURA IGLESIAS GONZÁLEZ
D. SANTOS HECTOR RODRIGUEZ DIAZ
DONA MARÍA PAZ LAGO MARTÍNEZ
D. JORGE CUBELA LÓPEZ
D. MANUEL ALEJANDRO LORENZO ALONSO
D. JAVIER TOURÍS ROMERO
D. IGNACIO MARIL PARDO
D. JOSÉ CARLOS LÓPEZ CAMPOS
D. JOSÉ ALFONSO MARNOTES GONZÁLEZ
D. XOSÉ CESÁREO MOSQUERA LORENZO
DONA MARÍA ORTEGA IÑARREA
D. GORKA GÓMEZ DÍAZ

ACTA DA REUNIÓN ORDINARIA DA COMISION INFORMATIVA DE IGUALDADE CELEBRADA O DIA 22 DE XULLO DE 2022

En Pontevedra, sendo as doce horas e dezasete minutos do día 22 de xullo de 2022, reúnense na Sala de Xuntas da Deputación de Pontevedra, baixo a Presidencia de Dona Olga M^a García Ballesteros, as señoras e señores deputados que ó marxe se sinalan, membros da Comisión Informativa de Igualdade.

Actúa como Secretaria, por delegación do Sr. Secretario Xeral, Dona Lucia Muradas Arcay xefa do Servizo de Igualdade.

Aberta a Sesión pola Presidencia, adoptáronse os seguintes acordos:

1. APROBACIÓN DO BORRADOR DA ACTA DA SESIÓN ORDINARIA DO 17 DE XUÑO DE 2022.

A comisión acorda prestar aprobación, por unanimidade, a acta da sesión ordinaria celebrada o día 17 de xuño de 2022.

2. DITAMINAR O CONVENIO DE COLABORACIÓN ENTRE A DEPUTACIÓN DE PONTEVEDRA E A ASOCIACIÓN DE INDUSTRIAS DEL METAL Y TECNOLOGÍAS ASOCIADAS DE GALICIA (ASIME) PARA O DESENVOLVEMENTO DO PROXECTO "TECNOLOXICAS 2022-2023" (Expediente 2022045576)

A xefa do Servizo de Igualdade elabora un informe con data 19 de xullo de 2022, para dar conta ás persoas asistentes á comisión informativa de Igualdade do Convenio de colaboración a asinar entre a Deputación de Pontevedra e ASIME, cuxo contido literal é o seguinte:



" De conformidade co establecido nos artigos do 123 ó 126 do Relo Decreto 2568/1986, de 28 de novembro , polo que se aproba o Regulamento de organización, funcionamento e réxime xurídico das Entidades Locais, sométese ó Ditame da Comisión Informativa de Igualdade a seguinte proposta de acordo con carácter previo á súa elevación ante a Xunta de Goberno para a súa aprobación:

"ASUNTO: APROBACIÓN DO CONVENIO DE COLABORACIÓN ENTRE A EXCMA. DEPUTACIÓN DE PONTEVEDRA E A ASOCIACIÓN DE INDUSTRIAS DEL METAL Y TECNOLOGÍAS ASOCIADAS DE GALICIA (ASIME) PARA O DESENVOLVEMENTO DO PROXECTO "TECNOLÓXICAS 2022-2023"

ANTECEDENTES

- **PRIMEIRO.-** A igualdade como dereito está recollida na Constitución Española, nos artigos 9.2 e 14 e, tamén na Lei Orgánica 1/1981, de 6 de abril, do Estatuto de Autonomía de Galicia. Ambas normas sinalan que os poderes públicos teñen a obriga de promover as condicións para que a liberdade e a igualdade das persoas sexan reais e efectivas.

No artigo 1.1 da Constitución Española de 1978 reconece como valor superior do seu ordenamento xurídico, a igualdade. Así mesmo, no seu artigo 9.2, recolle que os poderes públicos teñen o deber de promover as condicións para que a liberdade e a igualdade das persoas sexan reais e efectivas.

A Lei orgánica 3/2007, de 22 de marzo, para a igualdade efectiva de mulleres e homes, constitúese como o marco xurídico e legal da igualdade de xénero para todo o Estado español. Establece principios de actuación dos Poderes Públicos, regula dereitos e deberes das persoas físicas e xurídicas, tanto públicas como privadas, e prevé medidas destinadas a eliminar e corrixir nos sectores público e privado, toda forma de discriminación por razón de sexo.

Dita lei na súa Exposición de Motivos, especifica que "a lei prevé, co fin de alcanzar esa igualdade real efectiva entre mulleres e homes, un marco xeral para a adopción de accións positivas" e, posteriormente no artigo 11 recolle que "co fin de facer efectivo o dereito constitucional da igualdade, os Poderes Públicos adoptarán medidas específicas a favor das mulleres para corrixir situacións patentes de desigualdade de feito respecto dos



homes. Tales medidas, serán aplicables en tanto subsistan ditas situacións, haberán de ser razoables e proporcionadas en relación co obxectivo perseguido en cada caso”.

Ademais no artigo 15, onde fala da transversalidade do principio de igualdade de trato entre mulleres e homes dinos que “o principio de igualdade de trato e oportunidades entre mulleres e homes informará, con carácter transversal, a actuación de todos os Poderes Públicos. As Administracións públicas integraran, de forma activa, na adopción e execución das súas disposicións normativas, na definición e orzamento de políticas públicas en todos os ámbitos e no desenvolvemento do conxunto de todas as súas actividades”.

- **SEGUNDO.-** *No ámbito competencial local, o artigo 36.1 d) da Lei 7/1985, de 2 de abril, reguladora das Bases de réxime local, establécese como competencia propia das deputacións provinciais a cooperación no fomento do desenvolvemento económico e social e na planificación no territorio provincial.*

Nesta liña, no artigo 109.1 d) da Lei 5/1997, de 22 de xullo, de Administración local de Galicia, determínanse como competencias propias das deputacións o fomento e a administración dos intereses peculiares da provincia.

- **TERCEIRO.-** *A consecución da igualdade real e efectiva de mulleres e homes en todos os ámbitos da vida social, política, económica e cultural e, a loita contra a violencia de xénero constitúense como unhas das principais liñas estratéxicas de actuación da Deputación de Pontevedra que impulsa a través do Servizo de Igualdade.*

Neste marco, dende o Servizo de Igualdade da Deputación de Pontevedra, quérese dar apoio e colaborar con aquelas entidades de iniciativa social sen ánimo de lucro da provincia de Pontevedra que están a desenvolver importantes proxectos e programas para a consecución da igualdade efectiva entre mulleres e homes, a loita contra a violencia machista e a visibilización do papel das mulleres na nosa provincia.

- **CUARTO.-** *Con data 28 de xuño de 2022, no Rexistro da Deputación de Pontevedra (número de rexistro WEB2022037184) a Asociación de Industrias del Metal y Tecnologías Asociadas de Galicia (ASIME) presenta solicitude de subvención nominativa contemplada*



nos orzamentos da Deputación de Pontevedra, na área de igualdade, cunha partida específica a esta entidade.

O artigo 22 da Lei 38/2003 e 19.4 da Lei 9/2007, sinalan que poderán concederse de forma directa as subvencións previstas nominativamente nos orzamentos da entidade correspondente.

- **QUINTO.**- Con data 1 de xullo de 2022, a Deputada delegada de Igualdade acorda iniciar o procedemento de expediente da subvención nominativa á Asociación de Industrias del Metal y Tecnologías de Galicia - ASIME.
- **SEXTO.**- Na data 6 de xullo de 2022 a xefa do Servizo de Igualdade, informa sobre o interese público da realización do Programa Tecnolóxicas para combater a brecha de xénero tecnolóxica existente no noso territorio e a xustificación da concesión da subvención á Asociación de Industrias del Metal y Tecnologías de Galicia - ASIME. (CSV:9AFODGXBV9FXQCW1).
- **SÉTIMO.**- Con data 18 de xullo de 2022 Secretaría Xeral emite informe favorable o expediente (CSV:1QIYWRC3YQFTE32R).
- **OITAVO.**- Na data 19 de xullo de 2022 Intervención informa favorablemente o expediente e indica que na aplicación 22/250.2315.480.01 existe crédito adecuado e suficiente para facer fronte ao gasto correspondente á achega da Deputación para o ano 2022 e, respecto á anualidade de 2023 será financiada no seu caso con cargo á aplicación 23/250.2315.480.01, quedando condicionada á aprobación do orzamento do ano 2023.

Á vista de todos estes antecedentes, elévase á Xunta de Goberno a seguinte PROPOSTA DE ACORDO:

- APROBAR o CONVENIO DE COLABORACIÓN ENTRE A EXCMA. DEPUTACION DE PONTEVEDRA E A ASOCIACION DE INDUSTRIAS DEL METAL Y TECNOLOGÍAS ASOCIADAS DE GALICIA (ASIME) PARA O DESENVOLVEMENTO DO PROXECTO "TECNOLOXICAS 2022-2023" cuxo texto literalmente transcrito di como segue:



"CONVENIO DE COLABORACIÓN ENTRE A DEPUTACIÓN DE PONTEVEDRA E A ASOCIACIÓN DE INDUSTRIAS DO METAL E TECNOLOXÍAS ASOCIADAS DE GALICIA PARA O PERÍODO 2022-2023

No Pazo da Deputación de Pontevedra

REÚNENSE

Dunha parte, M.^a del Carmen Silva Rego, presidenta da Deputación de Pontevedra, en conformidade coas competencias establecidas no artigo 34.1.b da Lei 7/85, de 2 abril, reguladora das bases do réxime local.

Da outra, Justo Sierra Rey, en representación da Asociación de Industrias do Metal e Tecnoloxías Asociadas (ASIME), con CIF G-36.614.774 e enderezo na avenida Doutor Corbal, 51, 36207 Vigo.

Actúa como fedatario público deste convenio Carlos Cuadrado Romay, secretario xeral da Deputación de Pontevedra.

As dúas partes recoñécense con capacidade legal e representación suficiente para subscribiren o convenio de colaboración e, para tal efecto,

EXPOÑEN

I. Que a Deputación de Pontevedra é unha institución pública que ten entre as súas principais liñas estratéxicas de actuación a consecución da igualdade real e efectiva entre as mulleres e os homes en todos os ámbitos da vida social, política, económica e cultural, e a loita contra a violencia de xénero.

II. Que ASIME está formada por máis de 600 empresas asociadas representativas das actividades de automoción, metalmecánica e transporte; naval, marítima e enerxías mariñas; construcións e estruturas metálicas; aeronáutica e aeroespacial; aluminio (extrusión, carpintería e cerramentos); ascensores e elevadores; e servizos complementarios (loxística, sistemas de información e comunicación). Os seus servizos abranguen o asesoramento en programas de innovación, subvencións e en materia de seguridade laboral, negociación colectiva cos axentes sociais, formación e promoción da xeración de emprego, e orientación laboral.

III. Que ambas as partes consideran de interese colaborar na realización dun programa innovador cunha clara vocación práctica na que se alían o ecosistema de empresas e as institucións da provincia de Pontevedra para combater a fenda de xénero tecnolóxica existente no noso territorio.

A fenda de xénero é unha realidade no mundo laboral e no sector tecnolóxico é maior ca noutras industrias. Esta desigualdade ten consecuencias negativas para a sociedade e a economía, de aí a



necesidade de afrontala e desenvolver propostas eficaces que contribúan a reducir estas desigualdades, aumentando a representatividade e a relevancia da muller neste sector chave que vai marcar o pulso da economía do futuro.

Diferentes estudos e datos demostran a discriminación social e laboral que sofre a muller no mundo da tecnoloxía, desde a fenda dixital ata a escaseza de mulleres en sectores tecnolóxicos, pasando polo carácter minoritario das mulleres nos estudos de ciencias, tecnoloxías, enxeñerías e matemáticas (STEM).

En consecuencia, acordan formalizar este convenio de colaboración de acordo coas seguintes

CLÁUSULAS

Primeira. Obxecto

A través deste convenio a Deputación de Pontevedra e ASIME establecen as condicións polas que se rexerá a colaboración entre ambas as entidades para desenvolver o programa "Tecnolóxicas" 2022-2023, co que se quere impulsar e introducir de forma real ás mulleres nos departamentos de desenvolvemento tecnolóxico das empresas.

Segunda. Obxectivos

- *Situar a provincia de Pontevedra, en concreto, e Galicia, en xeral, na vangarda da loita contra a fenda de xénero tecnolóxica*
- *Xerar unha cultura de talento feminino tecnolóxico para enriquecer o tecido industrial*
- *Proporcionar información para fomentar o número de mulleres que escollen carreiras tecnolóxicas*
- *Darlles resposta real ás necesidades actuais das empresas da provincia á vez que se impulsa a carreira de mulleres con perfil tecnolóxico*

Terceira. Definición das actuacións concretas que se van desenvolver

- ✓ *Formación: cursos e contrato formativo en empresas*
Previamente realizarase un estudo de prospección entre as súas empresas asociadas para identificar as temáticas técnicas específicas que precisan cubrir con persoal formado no ámbito tecnolóxico
Contrato laboral en modalidade formativa de 6 meses de duración en empresas punteiras da provincia de Pontevedra do ámbito industrial ou tecnolóxico, para darlles a dez mozas pontevedresas a formación necesaria
- ✓ *Mentoría das alumnas por parte de persoal técnico cualificado, tanto no proceso formativo coma no período de contrato formativo nas empresas*



- ✓ *Xeración de referentes locais con accións de sensibilización e difusión*

O fomento das vocacións en estudos STEM entre a poboación feminina, desde as nenas en idade escolar ata a ESO e o bacharelato, considérase un dos piares fundamentais desta iniciativa, polo que se realizarán accións de sensibilización e difusión en diferentes concellos da provincia.

Nesta cláusula as actuacións detallaranse (polo miúdo) na memoria do proxecto que se incorpora como anexo.

Cuarta. Obrigas das partes

Obrigas da Deputación de Pontevedra:

1. A Deputación de Pontevedra, para o desenvolvemento e bo fin deste convenio, asume o compromiso de achegar os recursos financeiros necesarios para poñer en marcha o programa "Tecnolóxicas" 2022-2023, cun importe bianual total que ascende a cento trinta e cinco mil setecentos vinte e oito euros e cincuenta e nove (135.728,59) céntimos.

Para o ano 2022 os gastos financiados ascenden a oitenta mil oitocentos oitenta e sete euros e cincuenta e nove (80.887,59) céntimos, e imputaráselle á aplicación orzamentaria 22/250.2315.480.01 do vixente Orzamento provincial. Para o ano 2023 os gastos financiados pola Deputación ascenden a cincuenta e catro mil oitocentos corenta e un (54.841) euros, cuxa contía quedará condicionada á aprobación do orzamento de 2023.

2. Formar parte das comisións seleccionadoras das alumnas e das empresas participantes no programa.

3. A Deputación de Pontevedra poderá publicar e dar a coñecer as diferentes actuacións realizadas no marco deste convenio.

Obrigas de ASIME:

- 1. Coordinar e executar o plan de actuacións que se desenvolverá no programa e realizar as funcións establecidas coa debida dilixencia e boa fe, velando polo seu bo desenvolvemento.*
- 2. Poñer á disposición das comisións seleccionadoras, en caso de que sexa necesario, un comité de persoas expertas para emitir informes.*
- 3. Informar regularmente a Deputación de Pontevedra da marcha das actividades relacionadas co obxecto deste convenio a través da Comisión de seguimento á que fai referencia a cláusula décima.*



4. *Poñer á disposición da Deputación de Pontevedra os resultados das diferentes actuacións realizadas.*
5. *Presentarlle á Deputación de Pontevedra, ao rematar as actividades, un informe final que recolla unha proposta de directrices de actuación.*
6. *Facer constar, expresamente e de xeito visible, en calquera dos medios que se empreguen para difundir o proxecto, que este se realiza co financiamento da Deputación, e incorporar para iso o logotipo institucional.*
7. *Presentar unha memoria anual das actividades realizadas dentro do programa "Tecnolóxicas" 2022-2023 que inclúa a xustificación económica de cada unha delas, o detalle das actuacións desenvolvidas, a avaliación de cada unha das fases do proxecto, a valoración final das alumnas e das empresas participantes, o impacto dos resultados acadados e o nivel de consecución dos seus obxectivos.*

Quinta. Compatibilidades

Esta subvención será compatible con calquera outra subvención ou axuda para a mesma finalidade procedente de calquera outra Administración ou de entes públicos ou privados, nacionais, da Unión Europea ou de organismos internacionais.

Sexta. Duración

O convenio entrará en vigor o 1 de marzo de 2022 e rematará o 31 de agosto de 2023. O prazo de realización das actividades abranguerá desde o 1 de marzo de 2022 ata o 30 de xuño de 2023, independentemente da data da súa sinatura.

Este convenio extinguirase polo transcurso do prazo pactado, por mutuo acordo ou por incumprimento total ou parcial das obrigas establecidas de común acordo.

As partes poderán modificar ou denunciar este documento en calquera momento por mutuo acordo. Calquera delas poderá, á súa vez, renunciar a este convenio comunicándollo por escrito á outra parte tres (3) meses antes da data na que se vaia dar por rematado.

Sétima. Condicións e financiamento

O importe total da actividade ascende a douscentos seis mil seiscientos setenta e dos euros e setenta e nove (206.672,79) céntimos, segundo a información incluída na táboa anexa.

A achega económica por parte do organismo provincial para a realización do convenio será bianual e ascenderá a un total de centro trinta e cinco mil setecentos vinte e oito euros e cincuenta e nove (135.728,59) céntimos; oitenta mil oitocentos oitenta e sete euros e cincuenta e nove (80.887,59) céntimos consignados na aplicación 22/250.2315.480.01 e cincuenta e catro mil oitocentos corenta



e un (54.841) euros con cargo aplicación que será, no seu caso, 23/250.2315.480.01; esta contía quedará condicionada á aprobación do orzamento do ano 2023 e á existencia adecuada e suficiente neste.

Estas contías aboaranse en dous únicos pagamentos polas cantidades arriba sinaladas, unha vez xustificadas os gastos, ata acadar o total a través das correspondentes facturas, nóminas ou outros documentos válidos legalmente para tal fin, xunto coa presentación da memoria final dos gastos realizados.

Para aboar as cantidades será preciso estar ao corrente das obrigas tributarias coa Axencia Estatal Tributaria, coa Facenda galega, coa Seguridade Social e coa Deputación de Pontevedra, e non se poderá incurrir en ningún dos supostos de incapacidade ou incompatibilidade para a percepción de axudas ou subvencións públicas nin en ningún dos casos de prohibición para percibir subvencións recollidos na lei.

Oitava. Xustificación do convenio. Réxime de pagamento

O prazo para xustificar o convenio finalizará o 31 de agosto de 2023. Dado que se trata dun convenio bianual, a contía imputada con cargo ao orzamento do ano 2022 poderá xustificarse unha vez realizado o gasto desta anualidade, ata o 28 de febreiro de 2023.

Para xustificar o cumprimento e o posterior pagamento da subvención correspondente ao ano 2022, é preciso presentar o seguinte:

1. Conta xustificativa, segundo o modelo oficial, por un importe igual ou superior ao orzamento total da actividade da anualidade correspondente presentado pola entidade na súa solicitude.
2. Xustificación dos gastos polo importe da subvención concedida pola Deputación por medio de facturas ou documentos análogos con valor probatorio no ámbito mercantil e administrativo; indicaranse o número de unidades, os prezos unitarios destas e o custo total.
3. Declaración de axudas e outros, segundo o modelo oficial.
4. Acreditación da divulgación do financiamento da actividade subvencionada por parte do organismo provincial, para o que será necesaria a declaración responsable da persoa representante, acompañada de fotografías, carteis ou calquera outro medio probatorio da difusión.
5. Memoria explicativa do desenvolvemento das accións subvencionadas e dos servizos prestados na anualidade correspondente, asinada e selada, na que se indiquen os obxectivos acadados, as actividades realizadas e os resultados obtidos.



Para xustificar o cumprimento e o posterior pagamento da subvención correspondente a 2023, cómpre presentar o seguinte:

- 1. Conta xustificativa, segundo o modelo oficial, por un importe igual ou superior ao orzamento total da actividade da anualidade correspondente presentado pola entidade na súa solicitude.*
- 2. Xustificación dos gastos polo importe da subvención concedida pola Deputación por medio de facturas ou documentos análogos con valor probatorio no ámbito mercantil e administrativo; indicaranse o número de unidades, os prezos unitarios destas e o custo total.*
- 3. Declaración de axudas e outros, segundo o modelo oficial.*
- 4. Acreditación da divulgación do financiamento da actividade subvencionada por parte do organismo provincial, para o que será necesaria a declaración responsable da persoa representante, acompañada de fotografías, carteis ou calquera outro medio probatorio da difusión.*
- 5. Memoria explicativa do desenvolvemento das accións subvencionadas e dos servizos prestados na anualidade correspondente, asinada e selada, na que se indiquen os obxectivos acadados, as actividades realizadas e os resultados obtidos.*

Para facer o pagamento da subvención, a entidade non poderá ter débedas coa Facenda provincial, tal como se recolle no artigo 18.f da Lei 38/2003, de 17 de novembro, xeral de subvencións (LXS).

Os gastos xustificadas deberán axustarse aos conceptos establecidos no orzamento inicial, sen aboar máis que o importe xustificado co límite da subvención concedida. A desviación máxima entre os conceptos con respecto ao orzamento inicial non superará o 20 %.

Novena. Causas de resolución do convenio

Son causas de resolución do convenio:

- 1. O transcurso do prazo de vixencia do convenio sen acordarse a súa prórroga*
- 2. O transcurso do seu prazo máximo de vixencia, incluído o período de prórroga establecido*
- 3. O acordo unánime das entidades asinantes*
- 4. O incumprimento das obrigas e dos compromisos asumidos por parte dalgunha das persoas asinantes*
- 5. A decisión xudicial declaratoria da nulidade do convenio*



6. Calquera das causas contempladas na normativa da entidade sobre o contido do convenio.

Décima. Comisión de seguimento

Constituirase unha comisión de seguimento formada por dúas persoas representantes de cada unha das partes asinantes do convenio. Esta Comisión encargarse de:

- Interpretar, supervisar e controlar o contido deste convenio
- Trasladarlles as propostas que se elaboren aos órganos competentes das dúas partes

Décimo primeira. Control, seguimento e avaliación

Con independencia dos traballos que realice a Comisión de seguimento, a Deputación Provincial de Pontevedra establecerá, como medida de garantía a favor dos intereses públicos, os mecanismos de control que estime necesarios para asegurar o cumprimento da finalidade perseguida neste convenio.

Para iso, a Deputación Provincial de Pontevedra, a través do Servizo de Intervención, poderá someter a control financeiro esta subvención, tal e como se establece no artigo 44 da LXS, e no artigo 31 da Ordenanza xeral de subvencións desta institución.

Este control terá por obxecto verificar:

- a. A adecuada e correcta obtención das subvencións por parte das entidades e persoas beneficiarias.
- b. O cumprimento por parte das persoas beneficiarias e das entidades colaboradoras das obrigas de xestión e aplicación das subvencións.
- c. A adecuada e a correcta xustificación das subvencións e a consecución dos seus obxectivos.
- d. A realidade e regularidade das operacións que, de acordo coa xustificación presentada polas entidades e persoas beneficiarias e colaboradoras, se financiaron coa subvención.
- e. O adecuado financiamento das actividades subvencionadas.
- f. A existencia de feitos, circunstancias ou situacións non declaradas á Administración por parte das persoas beneficiarias que poidan afectar a correcta obtención, utilización, gozo ou xustificación da subvención, así como a realidade e regularidade das operacións financiadas por ela.

Nese sentido, as persoas ou entidades beneficiarias deben pagarlles ás ou aos acredores durante o período de realización da finalidade subvencionada; terán que facelo preferentemente por medio



de instrumentos de entidades financeiras, o que será obrigatorio cando o importe supere os novecentos (900,00) euros.

Non obstante, as persoas ou entidades beneficiarias que teñan dificultades de tesourería poderán pagar unha vez cobren a subvención, e deberán realizar o pagamento no prazo máximo dun (1) mes desde que se produza este cobro. Así mesmo, a información sobre a subvención concedida neste convenio remitiráselle ao Consello de Contas, en aplicación do artigo 53 da Lei 40/2015, de 1 de outubro, de réxime xurídico do sector público, e da súa normativa de desenvolvemento (Instrución do Tribunal de Contas, Resolución do 2 de decembro de 2016).

Décimo segunda. Publicidade

ASIME comprométese a facer constar a colaboración e a participación da Deputación en toda a publicidade que elabore sobre o convenio, independentemente do medio de difusión. A institución provincial reserva o dereito de publicar os resultados, parciais ou finais, obtidos durante a execución deste.

Para todo o relativo á publicidade seguiranse as instrucións establecidas polo Servizo de Comunicación Institucional a través do seguinte enderezo: comunicacion@depo.es.

Décimo terceira. Réxime xurídico aplicable e competencia

- Lei 38/2003, de 17 de novembro, xeral de subvencións (LXS)
- Real decreto 887/2006, de 21 de xullo, polo que se aproba o Regulamento da LXS
- Lei orgánica 1/2004, de 28 de decembro, de medidas de protección integral contra a violencia de xénero
- Lei orgánica 3/2007, de 22 de marzo, para a igualdade efectiva de mulleres e homes
- Decreto legislativo 2/2015, de 12 de febreiro, polo que se aproba o Texto refundido das disposicións legais da Comunidade Autónoma de Galicia en materia de igualdade
- Lei 11/2007, de 27 de xullo, galega para a prevención e o tratamento integral da violencia de xénero
- Lei 7/1985, de 2 de abril, reguladora das bases do réxime local, modificada pola Lei 27/2013, de 27 de decembro, de racionalización e sostibilidade da Administración local
- Real decreto legislativo 2/2004, de 5 de marzo, polo que se aproba o Texto refundido da Lei reguladora das facendas locais
- Lei 39/2015, de 1 de outubro, do procedemento administrativo común das administracións



públicas

- *Lei 40/2015, de 1 de outubro, de réxime xurídico do sector público*
- *Ordenanza xeral de subvencións da Deputación de Pontevedra*
- *Bases de execución do Orzamento xeral da Deputación de Pontevedra*
- *Demais lexislación aplicable*

A competencia para o coñecemento das accións derivadas deste convenio corresponderalle aos xulgados e tribunais que proceda, en aplicación da Lei 29/1998, de 13 de xullo, reguladora da xurisdición contencioso-administrativa.

Este convenio ten natureza administrativa e está sometido ao réxime previsto nos artigos do 47 ao 53 da Lei 40/2015, de 1 de outubro, de réxime xurídico do sector público.

En cumprimento do disposto no artigo 53 da Lei 40/2015, de 1 de outubro, de réxime xurídico do sector público, e na Resolución, de 2 de decembro de 2016, da Presidencia do Tribunal de Contas, pola que se publica o Acordo do Pleno de 24 de novembro de 2016, polo que se aproba a instrución relativa á remisión telemática ao Tribunal de Contas de convenios e de relacións anuais dos asinados polas entidades do sector público local; este convenio, cuxos compromisos económicos non superan os seiscentos mil (600.000) euros, rexistrárase na aplicación informática da Deputación de Pontevedra co obxecto de incorporar os datos deste á relación certificada anual que se lle remitirá ao Tribunal de Contas.

Décimo cuarta. Protección de datos

As partes manifestan que coñecen e cumpren coa lexislación europea en materia de protección de datos de carácter persoal, á que se someten de forma expresa, e comprométese a dárenlles un uso debido aos datos de tal natureza que obteñan como consecuencia do desenvolvemento deste convenio, no marco do disposto no Regulamento (UE) 2016/679, de 27 de abril, do Parlamento Europeo e do Consello.

As partes comprométese a:

- *Tratar os datos de carácter persoal coa finalidade exclusiva de realizar o servizo*
- *Garantir que os datos de carácter persoal non serán obxecto de ningún tratamento distinto ao previsto neste convenio*
- *Non cederlles a terceiras persoas os datos de carácter persoal salvo nos casos en que exista unha obriga legal*



As persoas interesadas poderán exercer, no seu caso, os dereitos de acceso, rectificación, cancelación, oposición, limitación e portabilidade nos termos legais previstos, mediante a comunicación ao domicilio social da respectiva entidade.

A entidade colaboradora adoptará as medidas adecuadas para limitar o acceso das súas empregadas e empregados aos datos persoais durante a vixencia deste convenio.

Os datos de carácter persoal deberán destruírse ou devolverse, segundo o criterio de ASIME, unha vez finalice a vixencia do convenio e no momento no que, en cumprimento das condicións pactadas ou legalmente previstas, remate a relación entre ambas as partes, sen prexuízo das excepcións que a normativa ou as decisións xudiciais puidesen establecer con respecto ao mantemento temporal mínimo de certos datos que pola súa natureza o requiran. Deberá dárselle o mesmo destino a calquera soporte ou documento no que conste algún dato de carácter persoal obxecto de tratamento.

E, en proba de conformidade, asinan este convenio de forma dixital na data indicada na marxe.”

Sometido a votación este asunto, a Comisión Informativa, ditamina favorablemente por unanimidade a aprobación do citado Convenio coa Asociación de Industrias do Metal e Tecnoloxías Asociadas (ASIME), cos votos a favor do Grupo Provincial do PSdG-PSOE, do Grupo Provincial do BNG e do Grupo Provincial do PP.

3. ROGOS E PREGUNTAS.

Non se levan a cabo intervencións neste apartado.

E non habendo máis asuntos, a presidenta levanta a sesión, sendo ás doce horas e dezaioito minutos, do que eu, como secretaria, dou fe.

Asinada dixitalmente na data que figura na marxe.

